

藝術志

(一) 文藝

北魏

魏收季景族姪年十五已屬文好騎射折節讀書初仕魏為太學博士孝武帝狩於嵩山之南帝與從官及諸妃王奇伎異飾多非禮度收欲言則懼欲默不能已乃上南狩賦以諷焉帝手詔褒美後北齊文宣帝受禪凡史論詔誥並廟號陵名皆收所撰天統元年除左光祿大夫收以子姪少年申以戒勵著枕中篇詞極壯麗卒諡文貞有集七十卷

隋

魏澹李景子年十五而孤專精好學博涉經史善屬文仕為禮部侍郎嘗注庾信集復撰藝苑詞林集世稱其博物數年遷著作郎文帝以魏收所撰後魏書褒貶失實平繪為中興書事不倫序詔澹別成魏書甚簡要大矯收繪之失文帝覽而善之此

晉縣志料

卷下 藝術志

一 晉縣修志局編印

外有諸書要畧一卷魏澹集四卷又有文集三十卷行世

唐

魏克己澹孫有詞學高宗時續北魏書十志十五卷魏之本係附焉又有孝經一卷魏徵字玄成長賢子表業人才高學博著述甚富有自古諸侯王善惡錄二卷列女傳畧七卷時務策五卷諫事五卷羣書治要五十卷麟閣詞英六十卷周易義六卷次禮記二十卷隋書八十五卷志三十卷大唐儀禮一百卷魏徵集二十卷

見舊唐書藝文

趙冬曦字闕歷進士列集賢院十八學士之一學問淹通有王政三卷趙冬曦全集

見新唐書藝文志

清

張維藩字介人東寺閭人歲貢生學問淹貫志趣高明當髮逆竄擾之後慨念晉志上自康熙丙寅下至咸豐丙辰百七十年未嘗修輯幾散佚不可收拾用是謁李州牧惺齋竊請修志惺齋慨然應允惜有志未逮又請苑竹軒楊鐵帆兩先生兩先生

俱以為難蓋因甫經兵燹殘編斷簡採訪維艱捐貲不易維藩不得已銳意蒐羅或考之載籍或問之宿儒或認之老吏或稽其後裔陸續登記彙為一冊題曰小補晉州志迄今取而觀之括古撫今大有裨益亟錄之以為保存文獻者勸

苑世亨號竹齋龍頭村人性至孝年十五補諸生十七以第一人食餽道光辛卯登賢書擁皋比四十餘載門中譽髦折桂者逾十采芹者逾百教授之暇著四書參易說纂要尚書文解說詩存序春秋辨左禮記易知錄竹軒詩稿續修縣志博採旁搜多所補益卒年七十有七

楊亶驊字鐵帆樓底人學宗陽明知行合一道光任辰舉於鄉乙未成進士即用德慶州牧歷任未久以註誤被謫發往軍台効力及回籍歷掌無極禦城正定書院宏開講幄桃李盈門進士知縣袁叶茂舉人知縣張樹穀司稅李夢白司鐸丁大年張鈞等其翹楚也主誦之暇著有古本大學中庸集解四書本解書經輯解易學淺說

易之為導詞意深遠初學每苦難解該書以平易之旨註釋經義令人一見即解誠初學之津梁也

等書卒年六十有六

## 晉縣志料

卷下 藝術志

二

晉縣修志局編印

楊亶驊字翼垣樓底人思貢生幼聰敏十八歲遊庠科歲兩試悉作壓卷潘學院錫恩特張獨榜高列正定十四屬第一鄉試十次九薦不售十一次薦元仍不售從此無志功名隱居教授成就及門採芹者數十人折桂者數人平生工詩賦善書畫著書二分竹屋詩說周易析薪李牧麟遇贈博學鴻儒匾額晚精醫學著壽世寶筏一有卒年七十有九

民國 李翰如 楊奉岡

李翰如字驥程博學善文事詳鄉賢門茲不備述所著詩文有消遣集益世文集諸書頗膾炙人口

楊奉岡字南坡樓底人高祖泰興曾祖亶調祖正容庠生父榮璐庠生幼承祖訓年十八入府庠清光緒三十一年攷入直隸省師範學校肄業成績優美嶄然露頭角二年畢業留堂充本校附屬高小學校教員教態活潑思想新穎兒童莫不歡迎敬服以故連任教職多年不得他就民國七年乃被舉為本省省議會議員連任二次

建議頗多民國十年同志有河北日報之組織先生為義所迫又被兼任該報編輯食少事繁精力憊甚然努力工作不惜犧牲先在保定時深痛教育用品一切仰結外洋思有以揚國粹而塞漏卮乃與同志組織步雲工廠專製學校運動音樂各物品初雖稍有虧累後乃日益進步所製球拍胡琴洞簫游藝等器俱質美價廉每年暢銷津滬各埠不下數萬元收益倍蓰殊非始料所及又在古北口與同志合股買地數方現雖未甚獲利將來必利賴之其卓見高識不規於目前而能慮及遠大類如此民國十八年抱病旋里二十年春病卒距生於清光緒乙酉年享年僅四十有八子二長舒鵬現充第五十四師經理處少尉次舒鶚業農

(二) 技術

(一) 書畫家

唐

魏叔琬徵次子善書與夏州都督太原祁人王方翼齊名

新唐書

晉縣志料

卷下 藝術志

三

晉縣修志局編印

魏叔瑜字思瑾徵次子善草隸妙絕時人以筆意傳次子華及甥薛稷世稱前有虞褚後有薛魏始以門資補左千牛轉洛州司兵司儀郎職方郎中太子洗馬出為懷州長史歷慶慈儀預四州刺史年五十有一終於預州墓於舊域二子獻華

魏華叔瑜次子華好書翰初與薛稷俱師於褚遂良後習右軍行草其蹟遂過於師

明

張築城內人孝廉瑜子正定衛左千戶性倜儻嗜吟咏工秦漢篆隸洎真行諸體有仰山詩稿四卷行世

清

劉樹桐城內人進士劉騫青之次子也乾隆間選為優貢曾為吏部效力居京甚久惟性情固執不善交際故雖品端學粹終未致通顯嗜書畫筆力道勁冠絕一時然不事應酬以致流傳作品頗少在京時落拓客舍曾作書典質典局欲以重金購之弗允也迨不久即購還焚之其不法名類如此平生所作畫中小品積為一冊以示

子孫以後喬式微冊遂凌落士林惜之

吳中祥字紫雪號梅庵縣西塔兒村人性聰穎多材藝琴棋書畫真草篆隸均能得其真趣至書隸畫梅尤臻絕頂光緒末年卒其遺跡至今人爭寶之

吳少梅印澍棠紫雪次子也與父同嗜畫而精於翎毛花草壯歲遨遊京師以畫為某王爺所賞識求畫者踵門遺留作品頗多

趙鳴岐樊莊人孝廉鶴齡長子也光緒丁酉拔貢書法靈動諸體咸工而畫中於竹石小品尤嘆佳絕其遺跡存者甚夥

呂邦棟字棠卿城內人清末廩生科舉既廢入直隸優級師範肄業期滿負笈出洋留學東瀛之早稻田大學回國後歷充正定工業學校校長第七中學教員及保定直隸第二女子師範學校教務長諸職性和藹接人待物均以至誠工書法頗體沈厚雄健自成一派晚歲家居丐書者盈門常苦應接不暇一時紙貴洛陽云

(父)醫家

### 晉縣志料

卷下 藝術志

四

晉縣修志局編印

唐

崔瑛字子玉邑南彎里人生時有奇瑞比長穎悟過人隋仁壽元年舉孝廉唐貞觀中任山西長子縣令時有猛虎害人瑛攝至庭殺之人以為神未幾遷滄陽令值太宗病夢瑛而愈迺物色天下尋得之擢蒲州刺史後卒於官至今各處舉祠祀之稱為崔府君云

清

楊宣驥字翼垣樓底人恩貢生鄉試不利後遂隱居著述晚精醫術著壽世寶筏一書卒年七十九

劉杏五楊家莊人性沈靜精醫術凡臨症一診脈即知病源用藥後無不立效如症遇不治即以婉言謝之以故醫名大噪有劉扁鵲之目著有女科三要一書進士楊宣驥作序盛行於世

靳長增字專甫海灘村人清同治間文庠生性恭謹雖燕居私室如見大賓家貧幼